

بِسْمِ اللَّهِ الرَّحْمَنِ الرَّحِيمِ



Khutba Jummah

Hazrat Khalifatullah Munir. A. Azim (atba)

12 Juin 2020

20 Shawwal 1441 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

Bane Attributs d'Allah (Pt.8)

هُوَ اللَّهُ الَّذِي لَا إِلَهَ إِلَّا هُوَ الْمَلِكُ الْقُدُّوسُ السَّلَامُ
الْمُؤْمِنُ الْمُهِيمُنُ الْعَزِيزُ الْجَبَّارُ الْمُتَكَبِّرُ

Huwallaa-hullazii Laaa-'ilaaha 'illaa-Huu; 'Al Malikul-Qudduus-Salaamul-Mu'minul-Muhayminul-'Aziizul-Jabbaarul-Mutakabbir...

« C'est Li Allah. Pas ena ene l'autre bondié à part Li. Li le Roi, le Saint, le Salut, Qui donne sécurité, le Protecteur, le Puissant, le Très Fort et Le Très Grand (*Al-Mutakabbir*)... » (Al-Hashar 59 : 24).

Allah Li **Al-Mutakabbir**. *Al-Mutakabbir* Li le Majestueux, Li sa Être ki conscient de So grandeur. Allah tousel Li ena droit pou conne et proclame So propre grandeur et So toute puissance lors sak kitchose et sak dimoune. Li magnifier Li-même et trouver ki la grandeur et tout saki super et excellent zot pou Li, zot appartenir à Li et c'est Li ki ena tout pouvoir lors tout sa là. Sa l'attitude là li tout à fait justifier

parski li vrai ki Allah ena pouvoir pou faire tout saki Li envie et personne pas pou capave dire Li kitchose. Allah Li tousel Li grand et So grandeur dépasse tout grandeur ki capave exister; So grandeur li exclusif pou Li, kot pas ena so pareil pour ene lotte ki Allah. Et Allah ena ene suprémacie lors sa grandeur ki Li détenir là parski c'est Li-même le Maître absolu, le Roi ki tout contrôle trouve dans So la main. Allah Li ene tel Être ki montrer So grandeur dans tous bane kitchoses et par tous bane moyens.

Zot bizin garde à l'esprit saki pou passer plus devant, Ô mo bane frères et sœurs. Pas laisse zot embêter par ene simple l'intention verbale ki ou donner au sense de zot la vie parski Allah espère trouve ene transformation radicale [complète] ki vini pou change sa l'intention là et faire li vine sincère et kot zot mette zot l'intention en pratique. Ou pas nek dire, "oui, mo pou faire sa bon travail là", mais selman après ou pas faire li. Ou faire ene l'intention, mais ou pas accompli li. Allah exige ki zot inflige ene sorte de la mort lors zot-même [kot zot mort en terme de zot bane passions de sa le monde là] après quoi Allah pou insuffler dans zot ene nouvo la vie [ene la vie spirituelle, ene la vie kot Allah même Li vine le centre de zot la vie]. Alors, dépêcher pou promouvoir la paix entre zot, pou pardonne à zot bane frères et sœurs zot bane faiblesses, car celui ki pas faire zéffort et ki pas pencher pour faire la paix avec so frère ou sœur li ene dimoune méchant, et li risquer être exclu [depuis bane serviteurs ki Allah content et aidé] parski li ene source de dissensions, kot à travers li, c'est pas la paix ki propager mais la haine et toutes sortes kalités désordres.

Alors renonce à zot bane mauvais désirs et pas cultive la haine dans zot. Même si zot ena raison, comporte zot humblement comme-ci zot ti ena vraiment tort, afin ki le pardon capave être réserver pour zot. Élimine l'obésité de zot ego - dégonfler sa gros ego ki zot ena dans zot là parski la porte par lequel zot bizin passer li bien restreint. Alors, dégonfler sa ego et l'orgueil ki zot ena là afin ki zot capave passe par sa la porte là.

Alors, zot bizin au courant de saki pou arrive zot [plus devant] si zot pas obéir, et aussi ki pou arrive zot kan zot obéir aussi. Zot bizin bien vigilant lors là et obéir afin ki Allah place zot parmi bane dimounes ki Li content. Et ki Li faire zot goûte sa boisson ki Li pou donne à bane ki Li content là. Ki Allah mette zot à l'abri de So dédain [mécontentement, mépris] et accorde zot ene l'union durable [ene l'union avec zot Rab, et aussi ene l'union parmi zot-mêmes, bane croyants, kot tous bane

musulmans bizin ene sel lécorps dans l'adoration d'Allah et dans la protection/ la défense de l'Islam] ! Ki Li place zot parmi So bane serviteurs ki Li fine favoriser par So présence, par So bane rencontres; parmi bane ki Li consoler kan sa bane là [So bane serviteurs] réaliser ki bane regards zamais pas pou capave atteindre Li, kot Allah Li révèle Li à zot sous bane lumières de So bane manifestations [Manifestation Divine]. Li ouvert pour zot bane jardins de la proximité et déverse dans zot les cœurs bane inspirations divines, kot Li faire zot contempler le plan ki Li fine concevoir pour zot de toute l'éternité, si bien ki sa bane serviteurs là abandonne tous contrôles ki zot ena lors zot la vie, et zot laisse Allah même dirige zot la vie. Allah dévoile zot la Bienfaisance subtile (*Lutf*) ki Li exercer lors So création, de sorte ki zot abstenir de tous bane rébellions, de tous bane objection inutile. Sa bane là, zot soumette zot et remette zot complètement à Allah, et zot faire Li alors confiance dans tout kitchose, parski zot conner ki le serviteur pas pou obtenir la satisfaction [divine] excepter si li-même li montrer li satisfait [de so Maître] et ki li pas pou parvenir à la servitude totale excepter si li soumette li à So décret. Pour sa bane kalités serviteurs là, pas ena aucaine place pour ene l'autre [autre ki Allah]; zot pas exposé à bane difficultés [ki sorti de la dualité], parski bane malheurs de sa siècle ki zot vivre là népli atteindre zot. Zot en mesure, zot ena la capacité pou surmonte bane pires catastrophes par l'aide d'Allah. Zot la foi et zot confiance en Allah ouvert pour zot sa chemin là.

Allah exerce So bane décisions lors zot, et zot soumette à So bane décisions, à So l'autorité kot zot gagne ene la paix devant So Majesté. Malgré ki bane malheurs tombe lors zot de partout, mais malgré sa au fond de zot-même, dans zot l'intérieur (*Sirruka*) zot ressenti ene la paix et zot reste à l'abri de tout bane tracas.

Quiconque prétend à l'union bizin employe bane moyens ki convenir [pou gagne sa l'union là – ene l'union avec Allah]. Mais alors, premier kitchose ki ene dimoune bizin faire, c'est ki li bizin défaire li, li abandonne et li purifier li de so propre volonté (*tadbir*) et, ensam avec sa, faudé pas aussi li révolter contre so destin.

Si zot souhaiter ki Allah satisfait de zot dans lé ciel, zot bizin vine les z'uns envers les autres bane véritables frères. Le plus grand parmi zot c'est celui ki pardonne le plus à so frère so bane transgressions ; et malchanceux c'est celui ki trouve li dominé par so bane sentiments de vengeance et ki pas pardonne les autres. Ene telle dimoune perdi bénédiction et la grâce d'Allah.

Bane ki pervers, arrogant, malfaiteur ou malhonnête, pas pou capave gagne accès à la proximité d'Allah ; alors crainte [peur] de la malédiction d'Allah. Vine bane camarades d'Allah et gagne ene lé cœur ki déborder de sincérité et d'enthousiasme afin ki Li favorise zot. Gagne pitié, ena de la miséricorde pour zot bane servantes [serviteurs], travailleurs, zot bane épouses (et concernant bane madames, pour zot bane missiés) et gagne pitié de zot bane frères ki dans le besoin afin ki Allah faire zot miséricorde dans lé ciel.

En parlant de sa, li bon mo attire zot l'attention ki nous bane frères et sœurs dans Mayotte, Comores et Madagascar dans bane difficultés financiers suite à sa pandémie de Covid-19 là. Zot pé demande *duahs* pour ki zot réussi sorti de sa bane situations difficiles là. Alors, nous pense nous bane frères et sœurs de nous Jamaat ki en difficultés, et aussi toute l'*Ummah* de Nabi Kareem (saws). *Alhamdulillah*, nous bane membres là-bas [ene nous frère dans Mayotte, et ene l'autre dans Comores] fine faire bane grands rêves lors construction de nous bane Masjeeds là-bas [kot bane dimounes pé vine en grand nombres dans le Jamaat Ul Sahih Al Islam et nous Masjid illuminer]. Ki Allah faire sa bane rêve là réaliser et ki nous réussi construire nous bane Masjeeds bien, dans façon ki Allah content. *Insha-Allah*.

Actuellement le monde pé faire face à plusieurs et différents calamités, et Coronavirus/ Covid-19 li selman ene d'entre sa bane calamités là. Bane calamités de toutes sortes pé faire ravages dans le monde. L'humanité en danger! L'Islam en danger! Sa même l'Islam ki bane musulmans fine abandonné en faveur de bane attractions de sa le monde ici-bas là. Azordi, beaucoup malheurs fine réservé pour li [l'Islam] de la main de bane non-croyants pervers et calculateurs. Zot plan c'est pour détruire l'Islam et bane musulmans et établir le règne de bane faux dieux, bane fausses doctrines. Parmi ena Narendra Modi dans l'Inde ki pé déverse so la haine contre bane musulmans, et armé de so gouvernement et de bane mesures dures et excessifs, li oulé mette bane musulmans à genoux et faire de l'Inde ene pays exclusivement Hindu. Récemment, li et so gouvernement fine interdit bane musulmans étrangers (ki pas Indiens) pou vine dans l'Inde pour prêcher zot la foi. Zot pé servi de bane différents kalités ruses pour ruine bane musulmans et l'Islam et faire zot vine bane esclaves dans zot propres pays.

Suivant so l'exemple ena le Premier Ministre de nous ti l'île Maurice aussi ki prend Narendra Modi couma so guru et guide. À Maurice aussi, bane Mauriciens de foi Hindu zot divisés en deux groupes, bane ki pour Modi, et bane ki contre li. Dans so interview dans le journal L'Express daté du 13 Mars 2020, Mons. Dev Virahsawmy fine exprime so inquiétude concernant sa situation ki pé passer dans l'Inde et dans Maurice aussi. L'identité de bane minorités zot menacé dans l'Inde, et même aussi à Maurice si Pravind Jugnauth continuer obéir aveuglément à so guru indien! Certains Indiens et Indo-Mauriciens de foi Hindu zot pour ene *Hindutva*, ene état exclusivement Hindu ki gouverné par bane la lois et idéologies Hindu. Et bane mesures de Narendra Modi dans sa direction là zot en effet inquiétants.

De ce fait, bane calamités ki promulgué par bane non-musulmans, bane calamités politiques vine en vigueur pour détruire bane musulmans et l'Islam. Mais zot oublier ki ena ene Créateur ki pé guette zot. L'Histoire de l'humanité li témoin de bane punitions ki fine tombe lors bane dictateurs ki fine bafoués bane droits de bane musulmans et fine persécute zot. Dans nous siècle, guette saki Ariel Sharon, ex-Premier Ministre de l'Israël fine faire, et en dernier lieu guette l'état ki Allah Le Tout-Puissant fine réduire li. Guette saki fine arrive à bane dictateurs couma Pharaon à l'époque de Musa (as), Nemrod à l'époque de Ibrahim (as), etc. Tout sa c'est nek bane l'exemples afin ki l'humanité réfléchi, en particulier bane musulmans.

L'humanité en danger! Mais Allah fine envoye So serviteur choisi avec le Saint Esprit (*Ruh'il Quddus*) pour guide zot, pour montrer zot le droit chemin et pour faire zot retourne vers Allah en délaissant bane attractions de Shaytane. Par la grâce d'Allah, mo remercier Allah de tout cœur ki Li fine guide moi vers Li et pou recevoir So guidance pour guide l'humanité, et particulièrement bane musulmans vers le droit chemin. Et Allah Le Tout-Puissant fine inspire bons nombres de bane les cœurs afin ki zot témoigne la Manifestation Divine dans toute so splendeur et ki zot reconnaite la véracité du Messenger d'Allah [non porteur de loi] dans sa siècle là.

Par la grâce d'Allah, mo bane disciples sincères, bane missiés et madames, et bane zenfants zot couma bane z'étoiles ki illumine lé ciel. Quand zot démontrer ene l'obéissance envers Allah et So Messenger (saws), ainsi ki le Khalifatullah de sa siècle là, et quand zot démontrer ene désir ardent pour travaille avec dévotion pour la cause d'Allah, Allah béni zot aussi et donne zot ene la lumière pour

confirme So la lumière (So Messenger) dans le monde. Pendant Ramadan, bons nombres de mo bane disciples fine montrer zot patients et confiant dans Allah, surtout avec bane calamités [persécutions etc.] ki fine tombe lors zot de différents façons, mais zot pas fine perdi courage et zot fine démontrer zot sincérité dans bane façons extraordinaires. Parmi ena ene madame très dynamique lors le plan de *Dawa/ Tabligh* et traduction, Naib Sadr Fauzia Zain Sahiba de Kerala dans Inde ki fine montré li très dévoué envers la cause divine. Et Allah fine béni li dans plusieurs façons. Parmi, pendant la nuit du 27^{ème} Ramadan, li fine faire ene rêve important kot li fine tende so garçon Zakariah récite bane *duahs* et annoncer lors micro: **Indus pé émette bane bips à haute tension. Pas gagne peur [Indus is beeping with high voltage. Do not get afraid]**. Et dans so rêve, li fine trouve li-même pé écrire sa rêve important là dans ene carnet en étant assis lors ene banc, et li fine lever à l'heure de *Sehri [Suhur]* dans sa l'état là-même kot li ti pé assisé lors so lili ! **Allahu Akbar!**

Couma zot capave déjà conner, ena ene la rivière ki exister dans l'Asie ki appelle Indus (*Sindhu*) ki passe à travers la Chine (le Tibet), l'Inde et Pakistan.

Kan fine mentionne "*Indus*" dans sa rêve important là, Allah pé réfère à bane calamités ki pou tomber, mais ki l'aide d'Allah pour arriver pour bane croyants. Indus capave indiquer la rivière en li-même, et bane les autres calamités aussi. De ce fait, suite à sa rêve là, fine ena cyclone "*Nisarga*" ki fine faire beaucoup dégâts, dans l'Inde, dans Maharashtra, et Bengale de l'Ouest [West Bengal] etc. Bane les autres calamités pou vini ensuite, mais bane croyants bizin place zot confiance en Allah, et contigne travaille bien dure pour So cause, et aussi prend bane précautions nécessaires pour zot survie.

Ô l'humanité ! Ô bane frères et sœurs musulmans et tous bane membres du Jamaat Ul Sahih Al Islam, accroche-zot fermement à Allah, reste sincères afin ki zot jouir de So protection contre bane calamités. Péna aucaine calamité ki frapper si pas ena ene l'ordre ki vine du ciel et péna aucaine calamité ki capave être éloigné si la miséricorde pas dessane du ciel.

Ô mo bane frères et sœurs, pas désespéré de Allah, parski en vérité Allah, Le Très Miséricordieux Li sensible à nous épreuve, nous difficulté. Li Bienveillant. Tous les jours, Allah passe lors plusieurs de nous bane péchés et Li pardonne nous par So miséricorde et Li ena envers nous beaucoup plisse pitié ki n'importe ki sanlà.

Personne pas capave gagne pitié de nous couma Li – Content Li plisse ki zot content quique ce soit. Si zot dirige zot vers ene seul et unique Dieu [Allah], Li pou pardonne zot tous zot bane péchés et si zot répentir, Li pou accepter sa répentir là bien volontiers de zot. Si zot avance à petit pas vers Li, Li pou galouper vers zot.

Donc, vine humbles et gentils et éprouve vraie sympathie pour zot bane semblables afin ki Allah accepter zot. Li essentiel ki zot conne avec certitude ki zot ena ene Bondié ki Li-même Li le Créateur et le Soutien de toute l'existence, Li-même ki Tout-Puissant, et kot So bane attributs zot éternels et interchangeable.

Ki Allah accepter nous bane z'efforts et nous bane *duahs*. *Ameen, Summa Ameen. Insha-Allah*, mo pou continuer lors le même sujet la semaine prochaine.